

բազում դրամով ելին նոքա ի տանջանացն: Եւ յամենայն գիւղացոց բազում փողէ թափեցան: Ինքեանք եւս առին եւ ի դրունս բռնակալացն եւս գնաց՝ բացի զատու գրանէն: Այս ամենայն պատճառաւ առաւել օթանդակութեամբ Տիւրիկցոցն եղև, որ նոքա զայսոսիկ առաւել արարին զայս ինչ որ ի վերոյ գրեցաւ, յիշատակմամբ Ղազար ասացեալ վարդապետին որ անկաւ յերեսաց և նստէր ի խանն Վալիտի, որ կամէր կրկնակի մտանել յեկեղեցի, որ յետ բազում աւուրց յօլով արանց հայցմանց և գրիւ Եղիազար վարդապետին խնդրուածոցն թէ Մի մի շաբաթ նստցի յեկեղեցիս և ժողով վանիցն արասցէ և գնասցէ: Եւ ապա հրամայեաց պատրիզն, և գնաց յեկեղեցիսն, յաւել զմի մի ամիս նստէր, զոր յետոյ ասասցուք ի տեղսջ իւրում:

Զի այն ինչ Ղազարինն ի Պուրսայ էաք որ եղև, որ Յունիսի Ժե ի շաբաթոջ Վարդավառի, փոխեաց զԻսմայիլ զայմախամն և ետ զՍուլէյման, յորում աւուր պատրիզն Հոռոմոց գերեք եպիսկոպոսս՝ զոմն կախել ետ և զոմն ի թի տվեալ և գեպիսկոպոս մեծոմն ի Պուրսայ կախել ետ զի պատրիարքութեան սպասէին:

Ի սորին ժամանակի Շրվանն այն Տիւրիկցի խօսս ինչ տվեալ առ եղբայր տէֆտէրտարին, և նա յամօթի հարեալ ի մէջ յարակցաց նստելոցն, վասն որոյ և ասէին տաճկանալ նմա, և նա ոչ առնոյր յանձն. յայնժամ մինչև դնել ի բանտի, և նա անարգէր զհաւատ և զօրէնս նոցա և՛ ի գալն և՛ ի գնալն առ դատաւորն, առ փաշան և ի բանտն բոկ և գլխիբաց, և նոքա խոստանային դրամ, և նա փառամոլութեան և յազահութեան ուրանայր զարարիչն ամենայնի զՔրիստոս: Եւ ամենայն պարտատէրք նորա եկեալ պահանջէին ըզ-